

【经文信息】大正藏第 20 册 No. 1138a

## 金刚秘密善门陀罗尼咒经 1 卷

No. 1138 [Nos. 1137, 1139, 1140]

### 金刚秘密善门陀罗尼咒经

失译人名今附东晋录

如是我闻。一时佛在菩提树下元吉道场。告诸比丘大德舍利弗大德阿难。如是等诸声闻众及大菩萨。其名曰金刚幢菩萨。金刚藏菩萨弥勒菩萨。如是贤劫中诸菩萨摩訶萨等而为上首。

尔时金刚密迹菩萨白佛言。世尊多陀阿伽度阿罗呵三藐三佛陀。唯愿世尊说善门陀罗尼。为诸众生而作照明。不令诸恶之所烧害。若天龙夜叉若罗刹。若鸠盘荼若人非人。若有夺人精气者。若刀杖若毒药若方道虫治。若食若饮若行若卧若睡若梦。若怨家鬪诤共相言说。诵此陀罗尼。一切诸恶不能烧害尔时佛赞金刚密迹菩萨摩訶萨。善哉善哉金刚密迹汝今善听。当为汝说善门陀罗尼。欲求救护一切众生。即说呪曰。

多狄咄 优久贸久 摩卑尼 曼陀尼 曼陀尼 婆啰 遮利尼休休 卢啞多莎诃

是诸如来灌顶章句之所护持。尔时佛复重说是呪。

多狄咄 啞祇啞祇啞祇罗达利 啞耆罗啞帝 和耆罗脾帝 和耆罗达提 遮迦罗 啞耆利 遮迦罗达利达利达利贸利 遮利休休利多 伽脾陞利 利利尸利尸利留留之 遮利周利贸利曼荼利 萨婆波簸 脾那奢儿 鷄鷄兜毘离摩囉呵多尼 跋离 婆离 跋提毘提毘离 抑娑离 奢罗毘 罗和泥罗 啞那茶移娑呵摩遮离拏 因陀罗和帝提提罗耶 南无摩酰首波 罗耶尼利 师梵浮尼 波波嚩婆尼迦囉啞提 浮多啞提 萨夕迦鬣 苏摩啞帝帝 苏摩钵罗莎呵 经伽由迦多耶 多狄他 呵逻呵逻呵逻唏伊昙摩蒲遮 波伽婆莎呵 多狄他 伽经多婆经多阿逸多阿利嚩婆尼 迦伽怛尼 阿囉茶呵尼

末伽毘卢呵尼休婆啞帝 浮娑啞帝唏利唏利 耶他嗜 耶他阿斤尼 耶他波  
连遮 耶他婆炎 耶他唏 利多 阿炎婆嗜罗波尼。苏目佉他 罗尼钵但尼  
多啞伽帝那 婆师多萨婆萨埵那末啞耶 迦留那多耶阿哈婆沙弥 耶啞帝弗  
婆枳 多啞伽帝 阿罗呵三藐菩提婆师多 阿提痴多 萨夕婆罗底尔那脾跋  
啞卑多

尔时佛告金刚密迹。吾欲利益一切众生说陀罗尼。如过去诸佛受持守护。我亦护持。尔时佛放顶上螺发光明。现大人相遍照十方。诸佛世界靡不周遍。诸佛各各同声赞言。善哉善哉释迦牟尼佛。快说是善门陀罗尼。为诸众生而作照明。我等亦当受持守护。赞言善哉善哉。若复有人受持读诵善门陀罗尼者。当于晨朝一切诸佛常当护念。若先所造罪报业障渐得除灭。是善男子复得二十种功德。一者长命。二者老寿。三者名称。四者远闻。五者大富。六者大力。七者端正。八者好色。九者相好。十者严身。十一者无病。十二者安乐。十三者诸佛护念。十四者诸天守护。十五者善根成熟。十六者精进。十七者无厌。十八者辩才。十九者解议。二十者善根成就。若有受持读诵。得如上所说二十种具足功德。尔时佛告金刚密迹。是陀罗尼皆是诸佛秘密藏法。汝好受持无令漏失。皆是诸佛之所住处。

尔时金刚密迹菩萨白佛言。世尊我亦说陀罗尼守护是人。受持读诵善门陀罗尼者。不令诸恶得其便也。即说呪曰。

写狄鬣昙 式弃式弃 指指指指婆婆 婆婆留留 留留啫啫啫啫伽伽伽伽啼  
啼啼啼 破破破破 摩摩摩摩 诃那诃那诃那诃那 陀诃陀诃钵遮钵钵遮  
莎呵

尔时佛复赞金刚密迹菩萨。善哉善哉金刚密迹。令汝呪术悉皆神验利益众生。若有夺人精神气者。为作守护使不得便。尔时梵天王从座而起。白佛言世尊。若复有人受持读诵善门陀罗尼者。我亦随喜说陀罗尼守护是人。令其所呪悉得神验。即说呪曰。

多狄他 啼利 弥利 至利 莎呵 婆呵 摩富利 莎呵 婆呵摩脾 莎呵  
波罗 迦卑弗 波散 哆离 莎呵

尔时释提桓因。从座而起白佛言。世尊我亦说陀罗尼守护是人。受持读诵一切诸恶不令得便。即说呪曰。

写狄鬻昙毘尼唎罗尼 唎陀摩逻持趾趾瞿利 捷陀利 波逻摩逻婆 阿那摩慎多逻尼 陀逻摩利尼 遮迦罗唎枳 檐婆利 檐婆利 莎呵

尔时四天王从座而起。白佛言世尊。我等四王亦说陀罗尼守护是人。不令诸恶得其便。即说呪曰。

多狄他 弗卑修弗卑 豆摩簸梨 呵梨 呵梨 耶波逻奢帝 涅目帝 瞢伽梨兜 帝 兜低 莎呵

尔时释迦牟尼佛。申其右臂摩释梵护世诸现士顶赞言。善哉善哉快说是陀罗尼守护众生。常为诸佛之所护持。尔时佛复告金刚密迹菩萨。若有善男子善女人。受持读诵善门陀罗尼者。当于晨朝。一切诸佛及诸天神常随护助。求其短者使不得便。尔时金刚密迹菩萨。一切大众诸天及人干闥婆阿修罗等。闻佛所说欢喜奉行。

## 金刚秘密善门陀罗尼经(与丹本不同)

---

【经文信息】大正藏第 20 册 No. 1138a 金刚秘密善门陀罗尼咒经

【版本记录】CBETA 电子佛典 Rev. 1.7 (Big5)，完成日期：2009/04/23

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，北美某大德提供

【其他事项】本数据库可自由免费流通，详细内容请参阅【[中华电子佛典协会数据库版权宣告](#)】

---